



## **Skuleskyssreglement for Nissedal kommune**

*Vedteke i kommunestyret* 16.2.2017  
*Gjeld frå* 16.2.2017

### **§ 1 Retter og plikter**

- 1.1 Retter og plikter for Telemark fylkeskommune, Nissedal kommune og føresette i høve til skuleskyss i grunnskulen blir regulert av lovverk og førande dokument som nemnt i denne paragrafen. I tillegg kjem særskilde reglar som gjeld for Nissedal kommune i § 2.
- 1.2 Reglementet for skuleskyss i grunnskulen i Nissedal kommune er bygd på det lovverket som til ei kvar tid gjeld; *Opplæringslova* med dertil høyrande rundskrifter og forskrifter samt forskrifter om skuleskyss vedtatt av Telemark fylkeskommune.
- 1.3 Vidare er desse dokumenta førande for reglementet:
  - *Veiledende retningslinjer for skoleskyss i Telemark og Vestfold* (Vestviken kollektivtransport)
  - *Handlingsplan for trafikksikring i Nissedal kommune*
  - *Veileder: Særlig farlig eller vanskelig skolevei* (Trygg trafikk)

### **§ 2 Særskilde skyssreglar for Nissedal kommune**

- 2.1 Elevar i 1.-4. klasse i Nissedal kommune har gratis skuleskyss heile året dersom dei har meir enn ein kilometer skuleveg langs riks- eller fylkesveg der det ikkje er gang/ sykkelsti og ei fartsgrense på 50 km/t eller meir.  
Elevar i 1.-4. klasse som har meir enn ein kilometer skuleveg utan lys eller gang/sykkelsti og med ei fartsgrense på 50 km/t eller meir, får gratis skuleskyss i dei fire mørkaste månadane frå og med november til og med februar.
- 2.2 Elevar i 5.-10. klasse i Nissedal kommune har gratis skuleskyss heile året dersom dei har meir enn to kilometer skuleveg langs riks- eller fylkesveg der det ikkje er gang/ sykkelsti og ei fartsgrense på 50 km/t eller meir.  
Elevar i 5.-10. klasse som har meir enn to kilometer skuleveg utan lys eller gang/sykkelsti og med ei fartsgrense på 50 km/t eller meir, får gratis skuleskyss i dei fire mørkaste månadane, frå og med november til og med februar.

### **§ 3 Handsaming av søknader om skuleskyss**

- 3.1 Handsaming av søknader om skuleskyss skjer administrativt etter gjeldande lovverk og førande dokument som framsett i hverande reglement.
- 3.2 Føresette som søker om fri skuleskyss i høve til farleg/vanskeleg veg eller funksjonshemming eller mellombels skade/sjukdom, skal få vedtak med grunngjeving innan tre veker frå mottatt søknad dersom søknaden er tilstrekkeleg dokumentert.

### **§ 4 Revisjon av reglementet**

- 4.1 Skulle lovverk, førande dokument eller trafikksikringsmessige forhold på skulevegane bli endra, må reglementet reviderast i tråd med dette.
- 4.2 Reglementet skal reviderast minst ein gong per kommunestyreperiode.